

Comunu de Siamanna

Regulamentu po sa cuncessioni de linnàticu me in is padentis de su Comunu

COMUNE DI SIAMANNA



COMUNU DE SIAMANNA - PROVÌNTZIA DE ARISTANIS

**REGULAMENTU
PO SA CUNCESSIONI DE SU LINNÀTICU ME IN
IS PADENTIS DE SU COMUNU**

SU SÌNDIGU

Dot. Claudio Laconi

SU SEGRETÀRIU COMUNALI

Dr. Luigi Mele

APROVAU CUN DELÌBERA DE SU CONTZILLU COMUNALI n. 22 de su 23.06.1982

MUDAU CUN DELÌBERA DE SU CONTZILLU COMUNALI n. 70 de su 20.09.1995

Ìndixi

ART. 1	Pàg.	3
ART. 2	»	3
ART. 3	»	3
ART. 4	»	3
ART. 5	»	3
ART. 6	»	3
ART. 7	»	3
ART. 8	»	3
ART. 9	»	3
ART. 10	»	4
ART. 11	»	4
ART. 12	»	4
ART. 13	»	4

Regulamentu po sa cuncessioni de linnàticu me in is padentis de su Comunu

ART. 1

Ònnia annu, aintru de su 15 de santuaini, sa Giunta Com.li, fatus chi apant is acòrdius cun s'Ispetorau Forestali chi cumpetit, istabilit in cali logu a padenti s'at a ammiti sa populatzioni a impreai inderetura sa linna po domu, massaria e àteru.

In su matessi tempus e cun su matessi modu s'at a carculai sa tarifa de sa cuncessioni.

ART. 2

S'impreu at a pertocai feti a su de ndi assoddiri linna sicada, a su de ndi segai matas tupadas o iscosciadas e su chi crescit asuta is matas, e aici etotu a su de ndi ispilluatzai is pillonatzus in prus.

ART. 3

Is citadinus chi tenint residèntzia ant a depi fruniri aintru de su 15 de santuaini de ònnia annu, arrechesta apostata in paperi sena de bullu a s'Amm.ni Com.li, inditendi su tanti e po cali arraxoni bolint pigai linna. S'arrechesta tocat a dda limitai feti po su necessàriu familliaru o de massaria.

ART. 4

Sa Giunta Comunali at a incarrelai a s'annu cun delibera apostata, chi tocat a publicai in s'Albu Pretòriu de su Comunu po is oponentus chi ddui iant a podit essi, a castiai e a acetai o no is arrechestas chi ant intregau. Incapitendi de non ddas acetai, in totu o in parti, at a tocari a ddu motivai.

A is cuncessionàrius s'at a lassai autorizatzioni apostata, una borta pagada sa tarifa chi, comentu nau, dd'at a istabiliri su Contzillu Com.li. Custa autorizatzioni tocat a dd'ammotai po dda castiai candu dda pedint is agentis incarrigaus.

ART. 5

A segai e a tragai linna s'at a podi fai movendi de su 1^u de su mesi de onniasanti finas a su 30 de martzu de s'annu infatu.

Non si podit lassai su iscomu o is sidas de linna, sarvu cussu de pagu contu e chi non fait a usai. Totu sa burumballa tocat, a su beneficiàriu, a dd'ammuntonai apari e a dd'abruxai innia o in pratzas fatas apostata in modu de no ingendrai dannus a su padenti; in curpa, a dd'abruxai si ndi at a incurai su Comunu a ispesas de chi no at postu in menti.

ART. 6

Abertu unu logu po segai, po efetu de sa cuncessioni, non si podit po nudda, a chincoi, intrai po fai linna in calisiat àteru logu a padenti de propiedadi de su Comunu.

ART. 7

Su tragu de sa linna tocat a ddu fai passendi me in is moris o me in is bias, a coddu, a suma o a tratori, in ònnia modu sa linna non si podit trisinai in terra o fai arrumbuai.

ART. 8

A castiai comentu s'impreat sa linna me in logus in cuncessioni o no, dd'ant a fai, non feti is guàrdias forestalis, ma finas is guàrdias comunalis o su personali incarrigau de su Comunu.

Is agentis comunalis depint torrai isceda, de is fatus chi funt de cuntraventzioni, a su Sìndigu e a is agentis forestalis.

ART. 9

Su tantu de tempu po abarrai in padenti a segai e a tragai linna dd'at a fissai, a s'annu, s'Amministratzioni Comunali de acòrdiu cun su Cumandu Forestali chi cumpetit, aintru de su tempus màssimu inditau in su primu comma de s'art.5. Carculendi custu tempus s'at a teni contu: de is bideas de prescritzionis in vigori in sa provintzia, de s'usàntzia e de su chi s'acostumat a fai in

Regulamentu po sa concessioni de linnàticu me in is padentis de su Comunu

sa massaria locali, de s'entidadi de s'usu cunforma a su fabisòngiu de sa populatzioni, de s'andamentu de is stagionis e calisiat fatori chi serbit.

ART. 10

In totu is logus cuncèdius po segai no at a podi intrai a pasci animali perunu bàsciu no ai dispostu a manera differenti s'Autoridadi forestali, candu ndi fait arrechesta s'Amministratzioni Comunali.

ART. 11

A chincoi ddu cassant a segai o a arragolli linna in logu differenti de cussa cuncèdiu, o de matas sena de ddas ai assinnadas po ddas segai in su logu de concessioni, incapat in cuntraventzioni a is normas e a is regulamentus forestalis e dd'ant a puniri cun un'ammenda finas a cuatru bortas tanti su balori de sa linna segada.

Su citadinu chi ndi pinnicat, a manera abusiva, unu tanti de linna in prus de cussa chi dd'ant assinnau, at a incapai in infratzioni a custu regulamentu, e dd'at a tocai a torrai acoa su tanti pinnicau in prus e a pagai, comenti a penali, una summa finas a cuatru bortas tanti su balori de custu.

A is chi sighint a non poni in menti in contu de leis e regulamentus forestalis, s'ant a apricai is ammendas in sa misura prus manna.

ART. 12

S'arrenda de is concessionis e de is penalidadis chi pertocant is infratzionis a su regulamentu su Comunu dd'at a destinai a òberas po fai mellus su patrimòniu comunali de is padentis, cun atentu mannu a s'amparu de is fogus.

ART. 13

Po totu cussu chi no est postu in contu in custu regulamentu, s'at a fai arriferimentu a is leis e a is regulamentus istatalis e regionalis.